



UNIVERSITÄTS-  
BIBLIOTHEK  
PADERBORN

## Universitätsbibliothek Paderborn

### **Lignvm Vitae, Ornamentum, & Decus Ecclesiae**

In Qvinque Libros Divisvm. In quibus, Totius Sanctiss. Religionis Divi Benedicti initia; Viri Dignitate, Doctrina, Sanctitate, ac Principatu clari describuntur: & Fructus qui per eos S. R. E. accesserunt, fuissimè explicantur

**Wion, Arnold**

**Venetiis, 1595**

Scriptores de littera R. cap. LXXVI.

**urn:nbn:de:hbz:466:1-38372**

ius laudes texere non est præsentis instituti, ne adulari uideamur, scripsit plurima opera, præsertim carmine, quibus nomen suum posteris manifestauit, quæ omnia impressa sunt Romæ anno 1589. in 4. apud Franciscum Zanetum, in tribus tomis, quorum

Prior continet poemata diuersa cum Græca, tum Latina, quæ quidem magna ex parte diuina sunt & sacra.

Secundus, opus est quoddam eximium in laudem Diue Virginis, cuius erat deuotissimus, tot uidelicet hymnos complectens, quot annis ipsa Beata Virgo uixisse perhibetur Theocodia nuncupatum. Excusum item ante Romæ 1583.

Tertius, pia quædam poemata, ac Theologica, odasque sacras, diuerso carminum genere conscriptas habet: quibus etiam accesserunt, nonnulli quorundam illustrium Casinen sum monachorum hymni.

Est & apud me alius hymnus Græcolatinus MS. de S. Barbara, in gratiam Serenissimi Gulielmi. Ducis Mantuæ compositus.


Obiit anno 1594. Brixia die 6. Octobris, & in monasterio suo S. Euphemie sepultus est.

D. Prosper Phanelus, Calaber, monachus S. Seuerini de Neapoli, Congregationis Casinensis, aliàs s. Iustinae de Padua, uir doctus, & pius, scripsit nonnulla opuscula, de quibus uidi subiecta.

Colloquium Christi, & Moysis, lib. 1. excusum in 4. 1589. si bene memini.

Centrum spiritualis fabricæ li. 1. quod nondum excusum est, sed apud ipsum referuatur.

### Scriptores de Littera R. Cap. LXXVI.

N.  ADULPHVS, Gallus, monachus monasterii, & congregationis Cluniacensis, S. Petri Abbatis discipulus, uir doctus & illustris, scripsit De uita eiusdem S. Petri Abbatis, lib. 1. qui extat Cluniaci MS.

Claruit anno Domini 1150.

Nonnus Radulphus, monachus Flauiacensis, siue Fuldensis, congregationis Luxouiensis, qui floruit anno 910. scripsit

In Leuiticum libros 20. qui excusi sunt Coloniz apud Eucharium Ceruicornum, anno 1536. in folio.

In Epistolas Pauli apostoli, lib. 14.

Histo-

- Historiam Francorum, lib. 1. Chronicam breuem, lib. 1.  
 F. Ranulphus, Anglus, monachus Cestrensis, cōgregationis Cluniacensis, scripsit, Historiam Anglorum usque ad annum 1377.  
 D. Ragimbertus Abbas in Gallia, congregationis Floriacensis, qui claruit anno Domini 620. scripsit  
 De uita s. Vualerici Abbatis, lib. 1. qui dicitur extare, sed eum non uidi.  
 F. Rainaldus subdiaconus, monachus monasterii Casinensis, scripsit carmine,  
 Vitam s. Seueri Episcopi Casinensis, & hymnum de eodem. De s. Benedicto, & de s. Mauro, uersus.  
 D. Raphael, Abbas Althæ superioris in Germania, congregationis Melicensis, qui claruit hoc nostro æuo, scripsit,  
 Orationem unam de Natiuitate D. N. Iesu Christi, quæ impressa est Tegernsee in Bauaria, anno 1574. in 8.  
 D. Raphael Castrucius, de s. Canciano, monachus monasterii S. Mariæ de Florentia congregationis Casinensis, & eiusdem congregationis Abbas titularis, qui floruit anno 1560. scripsit  
 De Harmonia ueteris & noui testamenti, lib. 1. qui excusus est Venetiis in 4. Transtulit quoque sermones multos de Latina in Hethruscam Linguam. Obiit Flor. an. 1574. mense Aprilis, ubi & sepultus est cum Patribus sui.  
 D. Raphael Placentinus, monachus congregationis Casinensis, alias s. Iustinæ de Padua, qui floruit anno 1510. scripsit carmine,  
 Vitam Sancti Simeonis monachi, in s. Benedicto Mantuano quiescentis, quam prænotauit Armeniados, lib. 10.  
 Opuscula plurima diuersi generis carmine, lib. 1.  
 Excusa sunt Cremonæ, anno Domini 1517. in 8.  
 D. Regino, Germanus, monachus, & Abbas monasterii s. Saluatoris Prumiensis, congregationis Luxouiensis, qui floruit anno Domini 910. scripsit  
 Chronicorum siue Historiarum lib. 2. qui excusi sunt Francofurti cum aliis anno 1583. in fol. & alibi.  
 De disciplina ecclesiastica lib. 2. In primis inquirendum.  
 F. Reinerus, monachus monasterii S. Laurentii Leodii, congregationis Cluniacensis, scripsit  
 Vitam s. Lamberti episcopi & martyris, lib. 1.  
 Vitam S. Vuolbodonis episcopi Leodiensis, lib. 1. quæ est Leodii MS.

Claruit paulo post tempora eiusdem Vuolbodonis, anno Domini circiter 1020.

Nonnus Remigius, Gallus, monachus Antisiodorensis (non autē Episcopus ut quidem male putarunt) congregationis Luxouienſis, qui claruit anno 880. scripsit multa opera, quorum maxima pars excusa est Antuerpiæ & Colonia anno 1545. uidelicet,

In Cantica Canticorum, lib. 1.

In totum psalterium, lib. 1. Prophetia diuina inspir. excusam Colonia 1536. in fol.

In euangelium Matthæi, lib. 1. Admonendi sumus: est MS. in Bibliotheca s. Georgij Ven.

In epistolas Pauli, lib. 1. qui bis reperitur MS. in Bibliotheca Casinensi, & in uno eorum uocatur Remigius & Raimo, in utroque uero Episcopus: sicut & in excuso exemplari.

In Canonem missæ, lib. 1.

De officiis diuinis lib. 1. Colonia anno 1536.

De festiuitatibus Sanctorum, lib. 1.

Sermonum lib. 1. Ad Episcopum Eduorum, lib. 1.

In Donatum, & nonnullos ueteres auctores expositiones varias, Scripsit etiam fuerunt Commentaria in Martianum Capellam quæ sunt Tiguri. MS.

N. Richardus, natione Gallus, patria Pictauiensis, monachus cenobii SS. Petri, & Pauli Cluniacensis, qui floruit anno 1160. scripsit, a mundi initio, usque ad tempora Friderici. I. Imperatoris

Historiarum insignis opus, lib. 1.

Epistolarum ad diuersos, lib. 1.

D. Richerius, Gallus, monachus, & Abbas monasterij s. Martini iuxta Metim, congregationis Cluniacensis, scripsit

De uita s. Martini Episcopi Turonensis, lib. 1.

Nonna Richtruda, Angla, & Sanctimonialis Benedictina in Anglia, circa annum Domini 770. scripsit epistolas quasdam consolatorias.

D. Robertus, Anglus, monachus, & Abbas, monasterij de monte S. Michaelis in Anglia congregationis Cluniacensis, uir doctus, & disertus, addidit ad Sigeberti Gemblacensis Chronicon,

Annales centum fere annorum, lib. 1. id est ab anno 1113. ad annum 1210. excusos Francofurti cum Sigeberto anno 1583. in fol.

De suis temporibus, lib. 1.

## A N N O T A T I O.

Floruit Robertus anno Domini, ut ex eius Chronico uidere est, 1200. & quod excurrit. Confunditur ab omnibus & precipue postremis Germanicorum scriptorum concinnatoribus, cum subsequenti Roberto monacho Remensi, belli sacri Hierosolimitani scriptore. Ex multis tamē diuersum esse coniecturari licet. Primo ex patria, ille enim Gallus, hic uero Anglus fuisse perhibetur. Secundo ex professione, dignitate, & monasteriorum diuersitate, professus enim ille in monasterio S. Remigij Remensis in Gallia, monachus simplex ad finem usque uitæ permansit: hic uero Abbatem egit in Anglia in cœnobio S. Michaelis de Monte. Tertio ex temporum, regula infallibili, ratione. Vixit enim hic noster, ut diximus, anno Domini 1200. & quod excurrit, ut eius Chronicon indicat: ille uero centum, & amplius annis prius uixisse se refert in epistola dedicatoria librorum suorum, ubi sic ait. Præcepit ergo mihi, ut qui Clarimontis interfui Concilio, acephalæ materiæ caput præponerem, &c. Concilium autem Claromontanum celebratum est anno Domini 1096. Et nullo modo credibile est eum, qui iam adultus Concilio Claromontano interfuit, ad tantum tempus ætatem perduxisse, scilicet usque ad annum Domini 1212. uel circiter. Et hæc pro huius rei notitia dicta sufficiant.

F. Robertus, siue Rupertus, Gallus, monachus monasterij S. Remigij in diœcesi Remensi congregationis Cluniacensis, anno Domini circiter 1120. scripsit

Historiam belli Sacri, lib. 10. qui excusi sunt Basileæ in fol. & Francofurti anno 1584. in fol.

Acta Conciliorum, lib. 1.

F. Roboas, Diaconus, monachus Casinensis sub Gerardo Abbate, anno Domini circiter 1120. scripsit

Vitam S. Leonardi Episcopi, lib. 1. Sermones de festis totius anni, lib. 1.

D. Rogerus de Vuindeleshor, Anglus, monachus S. Albani, scripsit Historiarum lib. 1. usque ad annum 1235. quo uixit.

D. Rogerius, Gallus, monachus monasterij de Cruce S. Leutfredi in Britannia, congregationis Cluniacensis; deinde Montanoburgi primus Abbas, anno Domini circiter 1040. scripsit,

Vitam S. Brunonis Episcopi Colonienfis, lib. 1.

D. Romanns Sincerus, Siculus de Politio, monachus s. Martini de Scaldis Panhormi, & Abbas s. Laurentii de Auerfa, cong. Casinensis, uir doctus, & pius, scripsit ad monasteriorum, in quibus Abbatem egit, utilitatem

Histo-

- Historiam monasterii s. Martini de Panhormo.  
 Historiam monasterii s. Nicolai de Arenis, Catanæ, &  
 Historiam monasterii S. Mariæ de Montereali; quæ omnes  
 in iisdem cœnobiis asseruantur MSS.
- Obit Auerlæ anno 1590. mense Octobri, & ibidem sepultus est.  
 D. Rupertus, Anglus, Abbas Saloprensis, alias Schreuiuſberii, con-  
 greg. Cluniacensis, qui claruit anno Domini 1140. scripsit,  
 Vitam s. Vuenefridæ Abbatissæ, virginis & martyris, quæ ex-  
 cusa est cum Surio, Tomo 6. die 3. Nouembris.
- D. Rudolphus, Belga, monachus, & Abbas s. Trudonis in diœce-  
 si Leodiensi, congregationis Cluniacensis, qui claruit anuo Domini  
 1120. scripsit  
 Contra Simoniacos, lib. 7. Chronicorum, lib. 1.  
 Carminum, lib. 1.
- D. Rudolphus Abbas, scripsit Vitam s. Gereonis martyris.  
 Frater Rudolphus, Germanus, monachus Fuldenſis, congrega-  
 tionis Luxouienſis, iussu Rabani Episcopi, quam antea scripserat  
 Mago monachus.
- Vitam s. Liobæ Virginis, & Abbatissæ descripsit doctè & gra-  
 uiter, quæ est apud Surium, Tomo 5. die 18. septembris.
- D. Rupertus, Germanus, monachus, & Abbas monasterii Lym-  
 purgenſis in diœcesi Spirensi, congregationis Cluniacensis reforma-  
 tæ, anno Domini circiter 1125. scripsit  
 In Cantica canticorum, lib. 4. Quicumque sui ipsius rerum.  
 De contemptu mundi, lib. 2. Mundus indebito nomine.  
 De s. Ioanne Baptista, lib. 1. Refert historicus Euangelista.  
 Reuelationum suarum, lib. 1. Anno Dominicæ incarnationis.  
 Sermones de sanctis ecclesiæ, & monasterii sui, lib. 1.
- F. Rupertus, Germanus, monachus monasterii s. Albani Mogun-  
 tiæ, congregationis Luxouienſis, & scholæ præfidens, circa annum  
 Domini 892. scripsit eleganti carmine,  
 De uita s. Albani martyris, lib. 1.
- F. Ruthardus, Germanus, monachus Fuldenſis, congregationis  
 Luxouienſis, Rabani Episcopi discipulus, anno Domini circiter  
 820. scripsit  
 De uita s. Bonifacii episcopi & martyris, lib. 1.